

《中國地方藝文薈萃》編委會 編

中國地方藝文薈萃

學苑出版社

華夏卷·第五輯

華東卷·第五輯

捌

中國地方藝文薈萃

《中國地方藝文薈萃》編委會

編

貴州師範學院內部使用



梁溪詩鈔五十八卷（八）

貴州师范学院内部使用

梁溪詩鈔五十八卷（八）

（清）顧光旭輯

據清嘉慶元年（一七九六）雙橋草堂刻本影印

梁溪詩鈔目錄卷之四十

國朝

乾隆七

黃包山中

二十五首

趙布衣繼光 十九首

華藕湖嶽蓮 四首

秦禮堂鏐 一首

侍御周先生照 五首

侯上舍昶泰 七首

任杏齋甸 四首

戴笠夫禮 二首

蔡西林鼎 二首

浦秀才敬敷 一首

殷秀才躍龍 一首

楊逸人廷果 十八首

竇秀才其泰 一首

朱秀才樟 一首

陳秀才凱 三首

劉秀才詠 四首

孫秀才湘 七首

蔡兩峯煌 一首

蔡秀才焯 四首

尤秀才峻 三首

秦太守朝鈺 十首

王上舍穎銳 八首

王司訓灝 七首

以上共二十三人



梁溪詩鈔卷四十

梁溪顧光旭華陽氏集

國朝

黃包山中

字德庸號包山國子生吳黼仙謂其詩一字百鍊五言近體自成一家

桃源圖

靜綠拋紅雨春隙積翠浮空流默默洞口經年似  
舊春桃花漏出山人宅山人宅內長兒孫生涯却  
與紅塵隔不逢堯舜曷歸乎魏晉紛紛踵秦迹有

田可耕桑可蠶知有父子無賓客何事漁郎踏浪  
來短簑片楫搜仙陌嵐沙白鹿印蒼苔逗月子規  
緣翠壁邂逅山人問索居山人亦喜通消息相將  
雞黍話生平浩歎長安真似奕不知此地少兵戈  
羲皇以上華胥國爲囑漁郎暗往還莫似桃花恣  
狼籍

水警

八月十日颶風惡沙昏瘴冷魂蕭索須臾大雨浹  
三朝陽侯白馬翻城郭千年龍子扣雷門懷山倒  
峽勢欲吞眼見桑田變滄海淼淼汨汨排乾坤樹

裏邨居屋角微砢訇决裂無完扉男女巢梁苦棟  
折暫爾失脚何因依黿鼉饕餮覘門隙鱗蛇磨牙  
欲吮血相戒兒童慎勿啼抱寒忍餒聲嗚咽我更  
含哀憶故鄉家室未審存與亡鴻飛無力知夜長  
安得消息空徬徨

贈鏡湖陸氏雙孝

水西詩古洵軼倫文翁筆力矜千鈞

水西先生子文在先生湘

佩宣公之後樹三石

石樓石泉少石皆名宦水西先人也

至今忠孝

爲清門文翁二子皆竒絕金玉命名名稱實金從  
百鍊蓄精華玉隱崑崗未雕飾大兒割股療母病

小兒泣血祈永命光溪日落煙濛濛風聲咽斷悲  
淚蠶烈祖有神胡不喜俾爾福壽昌爾躬君不見  
漢家玉帛徵良士半是閭閻孝義子祿養何如色  
養難吁嗟乃翁亦老矣

贈豪士

剡溪豪士劉爾芳胸撐萬卷躍劍芒出言慷慨無  
避諱飲酒高吟詩百章百章吟罷惟進酒蘧廬天  
地復何有徃徃典衣沽江頭招我嘯傲樂忘憂我  
亦顛放不可柅志局霄漢輕王侯晉楚富强今安  
在霜寒月白凌素秋君不見甬東江水水流急砰

泝奔激寶山濕須臾潮平還復來寶山兀兀梯天  
級大人虎變不吾欺雲龍會合應有時巨材晚成  
昔如此南陽高卧人豈知勸我飲我亦斟買金與  
君歌且吟披懷長嘯開胸襟

秋齋夜坐

竹窗交嫩綠蓮沚卸殘紅藜火生虛壁芸香接上  
穹池明魚吸月樹靜鶴呼風頓覺靈槎近天孫乞  
化工

初夏環秀菴卽事

農務村村急幽栖車馬稀野橋驅犢過山寺荷鋤

歸綠暗留鶯轉心閒看絮飛日長人事少把手話  
荆扉

野泊

孤舟隨落雁斷梗寄滄溟月起搖江白雲歸赴壑  
青鐘聲傳野寺魚火閃荒汀欲話還鄉夢沙鷗未  
肯聽

漫興

宿處惟泉石登樓近晚天江頭微露月山脚半拖  
煙白鳥寒光襲黃花秋氣偏簞瓢吾自分息慮且  
高眠

早望

村雞三唱罷開戶尙茫茫  
煙獵黃沙曲雲蹲白石  
岡鐘聲流斷壑山色到初陽  
何事東西客冲寒別  
故鄉

大慧禪塔

穴藏衣鉢冷門鎖嶺雲孤  
樹老風騰甲苔深露浴  
珠絮粘滋硯渴花落擁禪  
趺妙法通滄海龍宮詮  
實無

晚步書感

信步成幽獨涼涼入暮天  
剽霞搜暗水踈木理寒

煙古道名心盡竒文琢句偏莫貪人所尚不敢飲

狂泉

宿梅谷 徑山禪室

高閣連天起憑虛問性靈鵬搏名山雙徑碧燕翼名峯

五峯青剖月開書幌裁雲補畫屏推敲誰是伴梅

影度窗櫺

清明

柳煙含宿雨榆火接殘霞蝶弄尋春路鶯調賣酒

家空山堆玉石大澤隱龍蛇流眼團長恨東風攪

落花